



USAID
FROM THE AMERICAN PEOPLE

BOSNIA-HERZEGOVINA

FACT SHEET

USAID-ov odgovor na poplave u Bosni i Hercegovini

Izazov

Najveća količina padavina koja je ikad zabilježena u BiH izazvala je poplave u mnogim mjestima i prouzrokovala oko 2.000 klizišta u maju 2014. godine, uništavajući sve što se našlo na putu i pogodišvi jednu četvrtinu stanovništva BiH. Mostovi, putevi i ostala infrastruktura su veoma oštećeni. Oko 80.000 kuća je uništeno ili oštećeno. Firme i farme pretrpile su manje ili totalne gubitke, koji uključuju usjeve i životinje, poslovne prostore, inventar, opremu i mašine, a većina preduzeća nakon poplava nije radila tri mjeseca. Procjenjuje se da štete i gubici iznose više od 2 milijarde dolara. Nove poplave početkom avgusta ometale su oporavak, a u nekim područjima bilo je više štete nego nakon majskih poplava.

Naš program

Vlada SAD-a, prvenstveno putem USAID-ove inicijative za oporavak od poplava, obezbijedila je ukupno 14,7 miliona dolara za pomoć područjima pogođenim poplavama u BiH, kako bi se osigurale neposredne humanitarne potrebe, uključujući i čamce za spašavanje, te omogućila obnova infrastrukture, ponovo pokretanje firmi i nastavila poljoprivredna proizvodnja. Većina USAID-ovih aktivnosti koje se tiču oporavka od poplava je usmjerena na najteže pogođena opštine Dobo, Maglaj i Šamac.

Kako bi se isporučila pomoć tokom faze oporavka, USAID je preusmjerio aktivnosti svojih glavnih projekata na oporavak od poplava i uspostavio nova partnerstva. U okviru tih aktivnosti, projekat FARMA¹ pomaže da se obnovi poljoprivredna proizvodnja i prihod poljoprivrednika pogođenih poplavama u 25 opština i da se ponovno povežu ruralne zajednice i tržišta.

Tokom slijedećih devet mjeseci, projekat FIRMA² će podijeliti 1,7 miliona dolara u obliku malih grantova kako bi se u područjima pogođenim poplavama pomoglo malim preduzećima da ponovno počnu sa



Stanovnik Maglaja u kuci nakon poplava iz maja, 2014. (Foto: Velija Hasanbegovic)

radom, da zadrže zaposlenike i svoje mjesto na tržištu. FIRMA također pomaže firmama da apliciraju kod banaka, vlade i međunarodnih finansijskih institucija kako bi dobile kredite za uništenu opremu. USAID je za oporavak od poplava izdvojio dodatnih 2 miliona dolara i za FIRMA i za FARMU, te je dodatno unaprijedio ovu pomoć pregovorima za dodatna sredstva od Švedske agencije za međunarodni razvoj i saradnju (Sida).

Pored toga, USAID će u partnerstvu sa Catholic Relief Services³ obnoviti ključnu infrastrukturu u opštinama Maglaj, Dobo, Dobo Jug, Šamac, Domaljevac-Šamac. Putem Save the Children⁴, USAID će osigurati hitne humanitarne pakete i vodu, sanitarne i higijenske pakete za 16.140 porodica pogođenih poplavama. U partnerstvu sa Mercy Corps-om⁵ će se osigurati mali novčani grantovi za 5.000 mikro-poduzetnika i malih poljoprivrednika iz udaljenih sela pogođenih poplavama.

Ukupan iznos uključuje 300.000 dolara, namijenjenih da se osigura transparentnost i odgovornost za utrošak svakog dolara. USAID će raditi direktno sa civilnim društvom i građanima kako bi im se omogućilo da prate aktivnosti obnove i trošenje sredstava. →

- ¹ FARMA: USAID 2.000.000 dolara, Sida 1.000.000 dolara tokom perioda od 12 mjeseci
² FIRMA: USAID 2.000.000 dolara, Sida 650.000 tokom perioda od 12 mjeseci
³ CRS: 4.000.000 dolara tokom perioda od 12 mjeseci
⁴ Save the Children: 200.000 dolara tokom perioda od šest mjeseci
⁵ Mercy Corps: 700.000 dolara tokom perioda od četiri mjeseca

Implementacija i rezultati

Američka vlada je osigurala više od 2,5 miliona dolara humanitarne pomoći za saniranje posljedica uzrokovanih poplavama, uključujući i 26 čamaca za spašavanje tokom prvih 24 sata od objave stanja prirodne nepogode, čime je omogućeno spasavanje stotina života. Sada je počeo težak zadatak oporavka.




Volonteri USAID-a u Maglaju pomazu u rasciscavanju blata nakon poplava u maju, 2014. (Foto: Velija Hasanbegovic)

USAID je već osigurao više od 100.000 dolara za poljoprivrednike u opštinama Doboju, Šamac i Bratunac. Mi pomažemo obnovu veterinarske stanice u Šamcu, a osigurali smo grant maloj zadruzi proizvođača mlijeka u Bratuncu. Osigurali smo pomoć za 26 proizvođača mlijeka u Šamcu, koji su izgubili 339 krava muzara (trećinu) i osigurali sjetvu i skladištenje stočne hrane, kako bi se rekultivisalo i zasijalo 84 hektara zemlje, a podržali smo i udruženje u Doboju, tako da može pružiti tehničku pomoć za oko 5.000 poljoprivrednika koji su na tom

području pogođeni poplavama. Osigurali smo pomoć i za 14 žena koje se bave poljoprivredom u Bratuncu, popravili ili zamijenili staklenike i sistem za navodnjavanje, kako bi se obnovila proizvodnja povrća, što je njihov jedini izvor prihoda.

U opštinama Doboju, Doboju-Jug, Maglaj, Domaljevac-Šamac i Šamac, USAID poziva privatne firme da dostave aplikacije za grant sredstva kako bi se obezbijedilo ponovno pokretanje proizvodnje i sačuvala radna mjesta, te u Doboju, Šamcu i Maglaju objašnjen proces prijave. Pokrenuli smo tri projekta rekonstrukcije infrastrukture u cilju rekonstrukcije Veterinarske stanice u Šamcu, mosta Bare-Kostajnica u Doboju, te glavne ceste, u Maglaju. Fizički dio posla će započeti u septembru. Osigurali smo higijenske i pakete za ličnu higijenu za 3.460 porodica, a obezbijedili smo sredstva za 5.000 mikro-poduzetnika za ponovno pokretanje biznisa. USAID će odvojeno isporučiti četiri kamiona namještaja i opreme osnovnoj školi Žepču i Mirovnom kampu u Srebrenici.

Kako bi osigurala radikalnu transparentnost u svim aktivnostima za pomoć ugroženima, USAID pokreće i interaktivnu online mapu koja će omogućiti građanima svakodnevno nadgledanje progressa USAID-ovih projekata. (Linkove možete naći na www.bosnia.usaid.gov.)



Projekat pomoći oporavka u poplavljenim područjima će u 2014. godini osigurati

1. Očuvanje 4.100 radnih mjesta (poljoprivreda i ostalo)
2. Direktna korist za 70 firmi iz područja pogođenih poplavama
3. Obnavljanje proizvodnje 1,750 poljoprivrednika i poljoprivrednih zadruga
4. Ponovan pristup lokalnoj infrastrukturi koja je oštećena u poplavama (mostovi, vodovod i električna energija) za 500 lokalnih firmi
5. Završeno je 50 lokalnih projekata popravke infrastrukture